

2011-mi Kalaallit Nunaanni nukimmik atuineq

Ukiumoortumik Kalaallit Nunaanni ukiuni 2007-miit 2011-mut angerlarsimafitsigut suliffeqarfitsigullu nukimmik atuineq kisitsisitigut saqqummerpoq. Nukimmik atuineq kisitsisitigut malittarineqarsinnaalerpoq, taamatuttaaq Kalaallit Nunaata Kyoto-mi CO₂-mik mingutitsineq pillugu isumaqatigiissutini piviusunngortinneraa nalilerneqarsinnaalerluni. 2011-mi nukitsigut atuinnikkut mingutitsinerup annertussusia CO₂-mut naatsorsorlugu 724.377 tonsinik mingutitsiffiuvoq. 1990-mi mingutitsinermit 15,1 procentimik annertunerulluni aammalu 2010-mi mingutitsinermit 6,9 procentimik annertunerulluni.


Saqqummersitami ”2011-mi Kalaallit Nunaanni nukimmik atuineq” Naatsorsueqqissaartarfiup tamanut saqqummiutseqqammisaa-ni takuneqarsinnaavoq. Saqqummersitaq plf-fiilitut aaneqarneqarsinnaavoq Naatsorsueqqissaartarfiup nittartagaanut www.stat.gl iserfigalugu.

Aatsaat taamak nukimmik annertutigisumik atuisoqarpoq

2011-mi nunap tamakkerluni nukimmik atuinera 11.033 TJ-mut naatsorsorneqarpoq. Aatsaat taamak nukimmik annertutigisumik atuisoqarpoq, 2010-mi atuinermit sanilliullugu 7,4 procentimik atuineruffiulluni. Tamatumani pineqarpoq nunap iluanit ikummatissanik nukissanillu ataavartunik atuinerup annertusinerat. Ilumut aatsaat taamak nunap iluanit ikummatissanik nukissanillu ataavartunik atuineq annertutigilerpoq, titartagaq 1 malillugu.

Titartagaq 1.

Nuna tamakkerlugu nukimmik atuineq



Erngup nukinga atorlugu nukissiorneq annertusivoq

Nuna tamakkerlugu atuinerup 11 procentia sinnilaarlugu erngup nukinganit eqqakallu ikuallannerinit pingorpoq. Ukiuni 2009-miit 2011-mut erngup nukinga atorlugu nukissiorneq malunnartumik annertuseriarpoq, Utoqqarmiut Kangerluarsunnguanni nukissiornerup annertusarneratigut, 2010-lu Sisimiuni erngup nukinga atorlugu nukissiorfiup atulersinneratigut. 2011-mi nukissamik ataavartumik atuineq 11,5 procentimik annertuseriarpoq, annertuseriaat 127 TJ assigalugu.

... nunallu iluanit ikummatissat atorlugit nukissiorneq annertusilluni

Nunap iluanit ikummatisksamik atuineq nukimmik atuinermi atuiffiunerpaavoq, atuinerup 89 procentalugu, tassalu gasuuliamik, benziinamik, petruliumik il.il. atuineq. Nunap iluanit ikummatissanik atuinermi gasuulia atugaaneruqisutut malunnarluni. Gasuuliamik atuineq 81,1 procentiusoq uuliamik pinngugaq ator-neqarnerpaasoq. 2011-mi nunap iluanit ikummatissamik atuineq 6,9 procentimik annertusivoq 633 TJ assigalugu.


Uuliamik atuinerup annertusiartornera siullermik peqquteqarpoq ujarassiornermi gasuuliamik annertuumik pisariaqartitsineq pingaartumik uuliasiornermi. 2011-mi ujarassiorluni misissuinermi nukimmik atuineq 2.011 TJ-simavoq. Tassalu nuna tamakkerlugu nukimmik atuinerup 18 procentia.

... gassimik silaannarsuatta silaannaanik kissattoortitsilersussamik aniatitsineq annertusivoq

2011-mi nukimmik atuinerup kinguneranik gassimik silaannarsuatta silaannaanik kissattoortitsilersussamik aniatitsineq ataatsimut CO₂-mut naatsorsorlugu 724.377 tonsinik mingutitsiffiuvoq. 2010-mi aniatitsinermut sanilliullugu 6,9 procentimik annertuseriarneruvoq. Taamaalilluni ukiup aappassaa aniatitsineq annertulaartumik annertusivoq. Annertusineq peqquteqarpoq uuliasiornermi gasuuliamik atuineq annertusimmat. Titartagaq 2-mi takutinneqarpoq ukiuni 1990-miit 2011-mut nukimmik atuinikkut gassimik silaannarsuatta silaannaanik kissattoortitsilersussamik aniatitsinerup ataatsimut annertussusia.

Titartagaq 2.

Nukimmik atuinikkut gassimik silaannarsuatta silaannaanik kissattoortitsilersussamik aniatitsineq



Kisitsisaasivik

Kisitsisaasivimmi nukimmik atuineq pillugu kisitsisit atorlugit nassuiaasiat tabelit pimoorullugit suliat aaneqarsinnaapput **bank.stat.gl** iserfigalugu, taamaalillutit tabeliliassatit anguniakkat malillugu inaarsarsinnaassagakkit.

Annertunerusumik paasisaqarnissat kissaatigigukku siunnersortaaneq Lene Baunbæk saaffigisinnaavat email-mut uunga leba@stat.gl.

Inussiarnersumik inuulluaqqusillunga

Lene Baunbæk
Siunnersortaaneq